

এই সুন্দর ফুল সুন্দর ফল

কাজী নজরুল ইসলাম

এই সুন্দর ফুল সুন্দর ফল মিঠা নদীর পানি

খোদা তোমার মেহেরবানী।

শস্য শ্যামল ফসল ভরা মাটির ডালিখানি

খোদা তোমার মেহেরবানী।

তুমি কতই দিলে রতন

তাই বেরাদর পুত্র স্বজন,

ক্ষুধা পেলেই অন্ন জোগাও

মানি চাই না মানি।।

খোদা! তোমার হুকুম তরক করি

আমি প্রতি পায়,

তবু আলো দিয়ে বাতাস দিয়ে

বাঁচাও এ বান্দায়।

শ্রেষ্ঠ নবী দিলে মোরে

তরিয়ে নিতে রোজ-হাশরে,

পথ না ভুলি তাই তো দিলে

পাক কোরানের বানী

খোদা তোমার মেহেরবানী।।